

MIER IM WESDN

4/4-Takt, D-Dur. Die tiefe E-Saite wird einen Ganzton heruntergestimmt auf d.

INTRO

D | G/D | C^{add9}/D | G/D | D | C^{add9}/D | G/D | C^{add9}/D G/D |

1. STROPHE

D | G/B C^{add9}
Stell der vur, du ärbersd ercherdwu bom Bayrischn Rundfunk,
| D | C^{add9} G/B |
bo Siemens odder als Ingenieur bo der Stadt.
D | G/B C^{add9}
Und du mechersd gern di Laddern a Sprossn heecher nauf,
| D | Am⁷ G |
wall immer bloß af Ösdreich in Urlaub, des is fad.
| F | Am⁷ |
Stell der vur, du fährsd VW, obber stehsd mehr af an Benz,
| F | G |
und dei Fraa löcherd diech wecher an Wasserbedd,
| F | Am⁷ |
und du wärsd scho längsd beförderd worn, wenn ned bloß der Stenz do,
| F | G A_{sus2} |
der Liebling vom Chef sei Nosn vorna hädd.
| D | G/D |
Obber du waßd a boär diskrede Informationa ieber ihn,
| C/D | G/D |
und du wärsd doch bleed wennsd die fier diech behaldn deetsd.
| D | G/D |
Obber du sagsd: Nananananana, iech bin doch ka Denunziand,
| C/D | G/D |
lieber fohr iech weider mid mein VW af di Ärberd.

REFRAIN

| D | G/B C^{add9} | D | C^{add9} G/B |
Alles klaane Heldn, mier im Wesdn, bekannt fier unsern grodn Gang, mier im Wesdn.
| D | G/B C^{add9} | D | Am⁷ G/B |
Kanner deed sein Freind denunziern bo uns im Wesdn, im ganzn Wesdn bloß weiße Wesdn,
| D | Am⁷ G | D | Am⁷ | G/B | C^{add9} |
im ganzn Wesdn bloß weiße Wesdn.

2. STROPHE

Stell der vur, du bisd a klanns Wärschdla bo der Bundeswehr,
und diech klanns Wärschdla lassns ohdredn bom Herrn Major,
und der Herr Major hockd hinder sein großn Schreibdiesch,
und du stehsd do, und etz lassns diech erschd amoll a weng wardn.
Stell der vur, du sixd sei goldne Streifm, sei ernsde Stirn,
und endlü sachder: Sie wolln doch Medizin studiern,
obber mid ihm Vierer im Abidur, do werd do drauß nix wern,
mier kenndn uns hechsdns fier Sie a weng engagiern.
Ab und zu a boär diskrede Informationa, wenn aaner was sachd
gechern Bund, was wärn do derbei.
Obber du saxd: Nananananana,
lieber studier iech mid mein Vierer Ägybdologie odder suwos. (FORTSETZUNG NÄCHSTE SEITE)

MIER IM WESDN (Fortsetzung)

REFRAIN

3. STROPHE

Stell der vur, du derwischd amol widder is Luuch vo derham,
und du fährt af Nämbärbch und gehsd dord aweng aus.
Und hinder der Mauer do grigsd af amol su a Kribbln im Bauch,
und wi vo Zauberhand ziechds diech nei in a Freudnhaus.
Stell der vur, du kummsd grad schuldbewußd as dem Buff widder raus,
und diech waafd anner o: Grüß Gott, Herr Staatsanwalt.
Iech hob vo lhna a boär scharfe Bilder do im Kasdn,
die lassn aa Ihr Fraa derham ned kold.
Obber Sie kennerdn uns ja vielleicht a weng wos derzilln, zum Beispiel iebem Richder X,
maana Sie, der deed an Ihrer Stell ann Finger fier Sie rühm?
Obber du saxd: Nananananana, do soll lieber mei Fraa die Bilder do sehng,
obber mein Kardlbruder bespitzln, des mach iech ned.

REFRAIN

4. STROPHE

Stell der vur, dei Chef lädt diech ei zu am Galadinee,
und des Galadinee findet stadd af anner Yachd,
und die Yachd, die segld kreizerquer durch di Ägäis,
und du waßd, daß in der Ägäis rechd schee is.
Stell der vur, diech fliengs dordhie mid an brivadn Jet,
und du schlürfsd suviel du willsd Weißwein und Hummer,
und hübsche Weiber mid große Busn schwänzln um diech rum,
und du zohlsd fier des alles keinen Pfennich.
Ab und zu a boär diskrede Informationa
ieber deine Arbeitskollehg, wos wärn do derbei.
Obber du sagsd: Nananananana, do verzichd iech af di Ägäis und af di hübschn Weiber
und af des ganze Zeich do, wall mier sin nämlich ...

SCHLUSSREFRAIN

| D | G/B C^{add9} | D | C^{add9} G/B
Alles klaane Heldn, mier im Wesdn, bekannt fier unsern grodn Gang, mier im Wesdn.
| D | G/B C^{add9} | D | Am⁷ G/B
Kanner deed sein Freind denunziern bo uns im Wesdn, im ganzn Wesdn bloß weiße Wesdn,
| D | Am⁷ G | D | Am⁷ | G/B | C^{add9}
im ganzn Wesdn bloß weiße Wesdn. Ohohoh, im ganzn Wesdn bloß weiße Wesdn,
| D | Am⁷ | G/B | C^{add9} | D | Am⁷ | G/B | C^{add9}
Hey, ohohoh, im ganzn Wesdn bloß weiße Wesdn. Hey, uuhhey im ganzn Wesdn bloß weiße Wesdn
| D | Am⁷ | G/B | C^{add9} (stop)
Hey, ohohoh, im ganzn Wesdn bloß weiße Wesdn.